

Mae'r atebydd wedi ateb fy neiseb

Beth ddylwn i ei wneud nesaf?

Diddymu Partneriaeth Sifil

Sut mae cael gwybodaeth neu gyngor?

I gael gwybodaeth, cymorth a chyngor cyfreithiol di-dâl, cysylltwch â'r Gwasanaeth Cyfreithiol Cymunedol Uniongyrchol ar 0845 345 4 345 neu www.clsdirect.org.uk. Gallwch hefyd geisio cymorth gan Ganolfan Cyngor ar Bopeth neu Ganolfan Cyngor i Ddefnyddwyr.

Os oes gennych blant, sicrhewch eich bod yn darllen taflen D195 (Plant a diddymu) yn ogystal â'r daflen hon.

Beth ddylwn i ei wneud gyda'r copi o ffurflen D510(6) (cydnabyddiad cyflwyno) yr atebydd?

Edrychwch pa ateb a roddodd yr atebydd i'r cwestiwn 'Ydych chi'n bwriadu amddiffyn yr achos?'

Os mai'r ateb yw 'Na', gallwch ofyn i'r llys ystyried:

- a oes gennych sail i gael diddymiad ai peidio; ac
- a yw'r trefniadau a gynigir gennych ar gyfer unrhyw blant yn foddhaol.

Gelwir hyn yn 'wneud cais am gyfarwyddiadau ar gyfer treial'.

Os yw'r atebydd yn ateb 'Na' i'r cwestiwn 'Ydych chi'n cytuno â datganiad y deisebydd ynglŷn â'r seiliau awdurdodaeth a nodir yn y ddeiseb?', bydd y llys yn eich hysbysu os oes angen i chi weld y Barnwr. Os oes angen i chi ddod i'r llys, dylech ofyn i dwrnai eich cynorthwyo.

Beth ddylwn i ei wneud os yw'r atebydd yn datgan ei fod yn bwriadu amddiffyn yr achos?

Arhoswch i weld a fyddwch yn derbyn copi o'r amddiffyniad (a elwir yn 'ateb'). Rhaid i'r atebydd ddarparu'r ateb i'r llys o fewn 21 diwrnod ar ôl i'r terfyn amser ar gyfer rhoi hysbysiad o fwriad i amddiffyn, ddod i ben, sydd, yn ei dro, yn **7 diwrnod gwaith** ar ôl i'r person hwnnw dderbyn y ddeiseb. ('Diwrnod gwaith' yw unrhyw ddiwrnod nad yw'n ddydd Sadwrn, dydd Sul, Dydd Nadolig, dydd Gwener y Groglith neu ŷyl Banc).

Dylech felly aros am 29 diwrnod o'r dyddiad y dywed yr atebydd iddo dderbyn y ddeiseb. Fod bynnag, gallai'r cyfnod hwn o amser fod ychydig yn hwy, os, er enghraifft, y bydd gŵyl banc yn digwydd rhwng y dyddiad y cyflwynwyd y ddeiseb a diwedd y 29 diwrnod dilynol.

Os na fyddwch wedi derbyn copi o'r amddiffyniad (a elwir yn 'ateb') o fewn y cyfnod o 29 diwrnod, cewch wneud cais am gyfarwyddiadau ar gyfer treial.

Os byddwch yn derbyn copi o ateb yr atebydd, dylech ofyn i dwrnai eich cynorthwyo.

Efallai y gall y llys eich cynorthwyo i ddod o hyd i'r dyddiad cyntaf pryd y caniateir i chi wneud cais am gyfarwyddiadau ar gyfer treial.

Sut alla' i wneud cais am gyfarwyddiadau ar gyfer treial?

Byddwch angen copïau o Ffurflen D84 (cais am gyfarwyddiadau ar gyfer treial) a ffurflen D580G (affidafid tystiolaeth) o swyddfa'r llys. Maent yn rhad ac am ddim. Maent hefyd ar gael ar-lein yn www.gwasanaeth-llysoeddem.gov.uk

Llenwch ffurflen D84 a ffurflen D580G a mynd â nhw i swyddfa'r llys neu eu hanfon yno. Gelwir hyn yn 'osod eich achos ar y rhestr gweithdrefnau arbennig'.

Ni ddylech ddychwelyd y ffurflenni hyn i'r llys hyd nes y bo 9 diwrnod wedi mynd heibio ers i'r atebydd ddatgan ei fod wedi derbyn eich deiseb.

Rhaid i chi ateb yr holl gwestiynau ar ffurflen D580G.

Mae ffurflen D580G yn affidafid. Dyma ddatganiad y mae'n rhaid i chi dyngu llw ei fod yn gywir gerbron person a gymeradwywyd i dystio i chi wneud hyn.

Ni ddylech lofnodi ffurflen D580G nes i'r person sy'n tystio ddweud wrthyhch am wneud hynny. Ni ddylech ei hanfon i'r llys oni foch eisoes wedi tyngu llw ac y tystiwyd i hynny.

Pwy gaiff dystio i mi dyngu'r affidafid?

- swyddog llys sirol neu'r Brif Gofrestrfa, neu
- dwrnai.

Fydd rhaid i mi dalu ffi i'r tyst?

Ddim os yw'r tyst yn swyddog llys neu'r Brif Gofrestrfa. Bydd twrnai yn codi tâl.

Pa ddogfennau fydd angen i mi eu rhoi ynghlwm â'r affidafid?

Rhaid i chi ddarparu dogfennau sy'n dangos:

- fod yr atebydd wedi derbyn y ddeiseb;
- fod yr atebydd yn cydsynio i ddiddymiad, pan fo'r ffaith eich bod wedi byw ar wahân am ddwy flynedd yn sail i'r diddymiad; a
- bod yr atebydd yn cytuno â'r trefniadau arfaethedig ar gyfer y plant.

Ym mhob achos bron, bydd copi o ffurflen D510(6) (cydnabyddiad cyflwyno) wedi'i llenwi a'i harwyddo gan yr atebydd yn dangos y pethau hyn i gyd. Dylid rhoi ffurflen D510(6) ynghlwm â'r affidafid.

Beth fydd y llys yn ei wneud gyda ffurflenni D84 a D580G?

Bydd staff y llys yn rhoi'r papurau gyda ffeil eich achos ac yn ei hanfon ymlaen i'r Barnwr.

Bydd y Barnwr yn edrych ar eich deiseb a'r affidafid tystiolaeth ac yn penderfynu os cewch chi ddiddymiad. Ni fydd yn rhaid i chi ddod i'r llys pan wneir hyn.

Bydd y Barnwr hefyd yn ystyried y trefniadau ar gyfer y plant drwy edrych ar eich ffurflen D8A (datganiad o drefniadau ar gyfer y plant) a ffurflen D510(6) (cydnabyddiad cyflwyno) yr atebydd.

Beth fydd yn digwydd os dywed y barnwr y caf i ddiddymiad?

Bydd y llys yn anfon atoch chi a'r atebydd ffurflen D584A (tystysgrif hawl i ddyfarniad).

Bydd ffurflen D584A yn eich hysbysu o'r amser a'r dyddiad pryd y bydd y Barnwr yn caniatáu eich diddymiad. Gelwir hyn yn 'gwneud y gorchymyn amodol'. Nid oes angen i chi ddod i'r llys ar y dyddiad hwnnw.

Os nad oes unrhyw blant yn y teulu, daw ffurflen D584A gyda ffurflen D584B (hysbysiad o fodlonrwydd gyda'r trefniadau ar gyfer y plant) fydd yn cadarnhau nad oes plant.

Gorchymyn amodol yw'r cyntaf o ddau orchymyn y mae'n rhaid i chi eu cael cyn i'ch partneriaeth sifil gael ei diddymu'n derfynol a'ch bod yn rhydd i ffurfio partneriaeth sifil arall neu i briodi. Bydd taflen D197 (Mae gennyf orchymyn amodol – beth ddylwn i ei wneud nesaf?) yn dweud wrthyich sut i gael eich gorchymyn terfynol.

Beth fydd yn digwydd os dywed y Barnwr na chaf i ddiddymiad?

Bydd y llys yn anfon ffurflen D79 (rhybudd gwrthod tystysgrif Barnwr) atoch.

Bydd y ffurflen yn eich hysbysu pam fod y Barnwr wedi penderfynu nad yw eich achos mewn trefn. Yn y rhan fwyaf o achosion, bydd y llys angen mwy o wybodaeth. Fe gewch wybod pa wybodaeth ychwanegol sydd ei hangen.

Os bydd y Barnwr yn teimlo na ellir penderfynu eich achos ar sail y wybodaeth ysgrifenedig a gyflwynwyd, efallai y bydd angen cynnal gwrandawriad llys. Gelwir hyn yn 'dynnu eich achos oddi ar y rhestr gweithdrefnau arbennig a'i osod ar restr yr achosion nas amddiffynnir'. Bydd yn rhaid i chi ddod i'r gwrandawriad. Bydd y gwrandawriad yn cael ei gynnal mewn llys.

Os gosodir eich achos ar y rhestr 'nas amddiffynnir', dylech ofyn i dwrnai eich cynorthwyo.

Bydd taflen D197 (Mae gennyf orchymyn amodol – beth ddylwn i ei wneud nesaf?) yn dweud wrthyich sut i gael eich gorchymyn terfynol.

Bydd taflen D195 (Plant a diddymu) yn dweud wrthyich beth allai ddigwydd os dywed y llys na allwch gael gorchymyn terfynol hyd nes y gwneir trefniadau boddhaol ar gyfer y plant.

Cofiwch: Os oes cyd-atebydd i'ch deiseb, mae'r wybodaeth yn y daflen hon ynglŷn ag atebwyr hefyd yn berthnasol i'r cyd-atebydd.